

Medi 2019

Diweddariad ynghylch y Rhaglen

- Cynhaliwyd sesiynau ymgysylltu yng Nghaerdydd, Abertawe a Llandudno.
- Cynhaliwyd sesiwn Datblygiad Proffesiynol Parhaus gan Addysg a Gwella Iechyd Cymru (AaGIC) ar Wneud Penderfyniadau ar y Cyd ar gyfer clinigwyr a threuliwyd amser gyda phob Bwrdd Iechyd yn trafod yr adroddiad monitro diwedd y flwyddyn.
- Cadarnhawyd bod 42 o bractisau newydd wedi ymuno â'r rhaglen o fis Hydref 2019 (mae'r manylion i'w gweld isod).
- Rhannwyd y wybodaeth gyda'r Byrddau Iechyd er mwyn cytuno ar y practisau sy'n symud i Gam 2.
- Mae ACORN a'r canllawiau wedi'u diweddaru a'u rhannu gyda'r holl bractisau sy'n rhan o ddiwygio'r GDC. Mae'r practisau hyn yn dod yn gyfarwydd â'r asesiad 'angen a risg' ar gyfer poblogaeth eu practisau. Bydd y timau'n defnyddio canfyddiadau ACORN i lywio gwaith atal, triniaeth a'r defnydd o sgiliau'r tîm cyfan wrth ddarparu gofal.
- Mae adroddiadau'r Chwarter 1^{af} a rhai diwedd y flwyddyn ar gael gan Awdurdod Gwasanaethau Busnes y GIG.

Gweithgareddau ar gyfer y Cyfnod Adrodd Nesaf

- Mae'r gwaith wedi dechrau ar adolygu'r ddeddfwriaeth ddeintyddol bresennol a nodi'r newidiadau i gefnogi Rhaglen Diwygio'r GDC.
- Cyfarfod grŵp Ansawdd a Diogelwch y GDC ym mis Hydref gyda chydweithwyr yn Awdurdod Gwasanaethau Busnes y GIG a fydd yn rhannu gyda'r Cynghorwyr Practisau Deintyddol sut i sicrhau dadansoddiad cywir o'r adroddiadau monitro newydd.
- Gweithio gyda'r Byrddau Iechyd i gefnogi practisau i symud i gam 2 – cadarnhau gyda'r Byrddau Iechyd y practisau a fydd yn symud erbyn 1 Hydref.
- Cylch cyntaf o Gronfa Arloesedd Llywodraeth Cymru wedi'i ddosbarthu – gwelwyd cynnydd mewn recriwtio mwy o Weithwyr Proffesiynol Gofal Deintyddol. Gwybodaeth ar fuddsoddiad newydd yng Ngham 2 i'w dosbarthu erbyn mis Hydref – ffocws ar fynediad i oedolion.
- Bydd yr adborth a geir ar yr adroddiadau chwarterol a diwedd y flwyddyn yn cael eu darparu i'r Awdurdod.
- Edrych ar leoliadau a dyddiadau ar gyfer Symposiwm Deintyddol 2020.
- Cyfarfod y grŵp llywio i'w gynnal ar 30^{fed} Medi 2019.

Adroddiadau a Dyddiadau Allweddol

Bydd yr adroddiad blynyddol ar y rhaglen yn cael ei gyhoeddi gan dîm y rhaglen erbyn diwedd mis Hydref 2019. Bydd yr adroddiadau monitro chwarterol yn cael eu darparu'n uniongyrchol gan Awdurdod Gwasanaethau Busnes y GIG drwy'r dull arferol.

Dyddiad disgwyliedig	Cyfnod adrodd	Ar gyfer pwy
Tach-19	Adroddiad Canol Blwyddyn 2019/20	Pob practis sy'n rhan o ddiwygio'r GDC a phob Bwrdd Iechyd
Ion-20	Adroddiad Chwarterol 2019/20	Pob practis sy'n rhan o ddiwygio'r GDC – gan gynnwys safleoedd newydd sy'n ymuno ym mis Hydref 2019 a phob Bwrdd Iechyd

Risgiau, Problemau a Phenderfyniadau

- Gwnaed cais i'r Awdurdod wneud newidiadau pellach i FP17W ar gyfer 2019-20, gan gynnwys y gallu i adrodd ar yr holl weithgareddau a wnaed gan Weithwyr Proffesiynol Gofal Deintyddol drwy'r cyflwyniadau FP17W. Bu ychydig o oedi o ran gweithredu'r newidiadau hyn. Rydym yn disgwyl am ddyddiad gan yr Awdurdod ar gyfer cwblhau/gweithredu'r newidiadau.

Cyfleoedd Ymgysylltu'r Rhaglen

Bydd sesiynau ymgysylltu pellach yn cael eu trefnu yn 2020.

Os yw'r Byrddau Iechyd yn bwriadu trefnu unrhyw gyfarfodydd neu weithdai yn ogystal â'r rhai a drefnwyd gan dîm y rhaglen ar gyfer practisau sydd â diddordeb mewn ymuno â'r rhaglen, cysylltwch â ni. Lle bynnag y bo'n bosibl, bydd aelod o dîm y rhaglen yn ymdrechu i fod yno i ateb unrhyw gwestiynau.

Os oes gennych chi unrhyw gwestiynau neu sylwadau, neu os hoffech roi eich barn ar y gwaith sy'n mynd rhagddo, cysylltwch â Rheolwr y Prosiect

Raylene.Roper@wales.nhs.uk

Practisau sy'n rhan o Ddiwygio'r GDC fesul Bwrdd Iechyd

Bwrdd Iechyd	Practisau newydd sydd wedi ymuno erbyn 1 Hydref 2019	Cyfanswm y practisau ar 1 Hydref
Cwm Taf Bro Morgannwg	4	22
Aneurin Bevan	9	29
Caerdydd a'r Fro	9	24
Hywel Dda	4	14
Bae Abertawe	5	18
Betsi Cadwaladr	11	24
Powys	0	5